

02/2019 UDALEKO OSOKO BILKURA

2019KO OTSAILAREN 25EAN IZANDAKO OHIKO OSOKO BILKURAREN AKTA

BERTARATUTAKOAK:

ALKATEA

Pedro M^a Estanga Lasa (EH Bildu taldea)

ZINEGOTZIAK:

Aratz Luisa Urkola (EH Bildu taldea)
Izaskun Jauregi Saizar (EH Bildu taldea)
Josune Eizmendi Manterola (EH Bildu taldea)
Bakarne Olano Manzano (EH Bildu)
Iñaki Merino Castro (PNV)

IDAZKARIA:

Mikel Arrizabalaga Brusin

Anoetako udaletxean, 2019ko OTSAILAREN 25ean arratsaldeko zazpitan, eta ondorio horretarako deia egin ondoren, Udaleko ohiko Osoko Bilkura antolatu da, Pedro M^a Estanga Lasa alkatearen lehendakaritzapean, eta Mikel Arrizabalaga Brusin jauna aritu da idazkari lanetan.

Jose Ignacio Otermin Garmendia, Pedro María De la Iglesia Sanchez eta Francisco Berbel Perez zinegotziak ez dira etorri.

1.- 2018KO AZAROAREN 26EAN ETA 2019KO URTARRILAREN 28AN OSPATURIKO BILKURAREN AKTA ONESTEKO PROPOSAMENA.

2018ko arazoaren 26ean eta 2019ko urtarrilaren 28an ospaturiko bilkuren aktak aho batez onartu dira.

2.- ALKATE EBAZPENEN BERRI EMATEA, 2019KO URTARRILAREN 16TIK 2019KO OTSAILERA 15A BITARTE, 12 ZENBAKITIK 72 ZENBAKIRA, BIAK BARNE.

2019ko urtarrilaren 16tik 2019ko otsailaren 15a bitartean izaniko ebazpen berri eman dira eta udalbatza jakinaren gainean geratu da .

3.- TOLOSALDEKO EUSKARAREN MAHIAREN KONPROMISO ADIERAZPENA.

Ondorengo adierazpen hau aurkezten da:

“TOLOSALDEKO EUSKALGINTZAREN GOBERNANTZA EREDU BERRIA TOLOSALDEKO EUSKARAREN MAHAIA.-

Tolosaldeko herritar gehien-gehienak euskaldunak dira: eskualdeko biztanleen %75 euskal hiztuna da, beste %10ak ulertu behintzat egiten du, eta belaunaldi gazteenak unibertsalizazioaren mugan daude. Euskal Herriko zonalde euskaldunen artean jartzen gaitu horrek eta hau, gure ustez, harrotasunez ez ezik, erantzukizunez hartu behar da. Globalizazio garaiotan, hiztun komunitate txikiok ahalegin berezia egitera behartuta gaude eutsi ez ezik gure hizkuntzen etorkizuna bermatzeko. Geure egoeran, posible da Tolosaldean euskara harremanetarako, gozamenerako eta lanerako hizkuntza nagusia izatea, erabateko unibertsalizazioa lortzeko urratsak ematea eta, horrela, hizkuntzen indarberritze eta normalizazioan erreferente izatea, benetako arnasgunea euskararentzat. Baina ausardiarekin, koherentziarekin eta eraginkortasunez jokatzea eskatzen digu horrek: azken hamarkadetakako lorpen izugarriak gutxietsi gabe,

euskalgintzaren ibilbidearen irakurketa kritikoa egitea, lan esparru partekatuak eraikitzea, jomugak adostea eta norabide berean jardunez herritarrei harrotasun eta erantzukizun hori transmititzea. Hori da dagokiguna.

*Soka mutur horri, non hari mutur asko txirikordatzen diren, heldu dio 2018an zehar gai horretan sakontzen aritu den Tolosaldeko Euskararen Mahaia sustatzeko Lan Mahaiak¹. Hemen elkartu dira euskalgintza instituzionalaren eta sozialaren sentsibilitateak eta lan ereduak, eta euskararen etorkizuna bermatu eta berau eskualdeko hizkuntza nagusia izatea helburu duen gobernantza eredu berritzaile eta erreferentziazkoa eraikitzeke urrats sendoak eman behar direla izan da ondorio nagusia. Euskalgintza instituzionalaren eta sozialaren arteko elkarlana, eskualde ikuspegia, estrategia eta helburu komunak, berdintasuna eta zeharkakotasuna, eta eraginkortasuna eta lidergo partekatua dira jorratu eta sakondu beharreko kontzeptuak, guztiak, xede honen zerbitzura: **TOLOSALDEAN EUSKARA HIZKUNTZA NAGUSIA IZATEKO ESTRATEGIA BERRITZAILE ETA INKLUSIBOA.***

Hitz gutxitan azaldutako gogoeta hori eta bere baitan hartzen dituen ekimenak, pasa den urrian eta abenduan egin ziren bi batzarretan xeheki aurkeztu zizkion aipatutako Lan Mahaiak eskualdean gauzatzen diren hizkuntza politika desberdinen eragileen ordezkariak zabalari. Eta berretsiak izan ziren.

*Horregatikguztiagatik, ordezkatzeko dudak erakundearen izenean, **ADIERAZTEN DUT:***

1. Tolosaldea eskualdeko Abaltzisketa, Aduna, Albiztur, Alegia, Alkiza, Altzo, Amasa-Villabona, Amezketza, Anoeta, Asteasu, Baliarrain, Belauntza, Berastegi, Berrobi, Bidania-Goiatz, Elduain, Gaztelu, Hernialde, Ibarra, Ikaztegieta, Irura, Larraul, Leaburu-Txarama, Lizartza, Orendain, Oresa, Tolosa eta Zizurkil udalerrietan -horietako batean, batzuetan edo guztietan- euskararen etorkizuna bermatzeko jarduerak sustatzeko, garatzeko edo babesteko erantzukizuna dugula, legez ezarria edo, eta batez ere, geure desioz onartua.
2. Bat egiten dugula eskualde ikuspegiko hizkuntza plangintza diseinatu eta aitzineratzeko euskalgintza instituzionala eta sozialaren bilgunea, hau da, Tolosaldeko Euskararen Mahaia, eratu eta indartzeko asmoarekin.
3. Bat egiten dugula Tolosaldeko Euskararen Mahaiak izango dituen Misio eta Helburuekin:
 - a. Misioa: Tolosaldean euskara indarberritu eta bere erabilera normalizatzea, berdintasun eta aniztasun balioen oinarrietatik, benetan komunikazio eta kohesio hizkuntza nagusia izan dadin bere lur-eremu osoan.
 - b. Helburu estrategikoak:

b.i. Gobernantza eredu berri bat oinarri eta sostengu duen eragile

¹ Olatz Peon, Jon Zubizarreta, Haritz Mujika, Mikel Artola eta Aritz Mujika (Tolosa, Abaltzisketa, Asteasu, Alegia eta Berastegiko udal ordezkariak), Garbiñe Mendizabal eta Joxean Amundarain (GFAko Hizkuntza Berdintasun zuzendaritza), Estibalitz Alkorta eta Josune Zabala (EJ-HPSko Sustapen eta Ikerketa zuzendaritzak), Imanol Haro (UEMA). Idoia Olano (eskualdeko Euskara Teknikarien ordezkaria), Joxin Azkue (Larramendi Bazkuna), Xabier Bengoetxea (Galtzaundi Euskara Elkarteak), Garbiñe Mendizabal (Tolosaldea Garatzeneko Udal arduraduna), Mikel Ozaita (Soziolinguistika Klusterra), Kike Amonarriz (Bizkidetza eta hizkuntza), Lorea Agirre (Generoa, aniztasuna eta hizkuntza) eta Jexux Murua (koordinatzailea).

instituzional, sozial eta kulturalen elkargune eta erabakigunea antolatzea.

b.ii. *Eskualde mailako hizkuntza politika definitzea.*

b.iii. *Normalizazio erreala lortzeko baliabideak adostu eta abian jartzea.*

b.iv. *Gizarte esparru guztietako eragileekin elkarlana bermatzea, euskara beren eguneroko jardunean hizkuntza nagusia, komuna, izan dadin.*

c. *Helburu estrategikoak:*

c.i. *Bizikidetza eremu zabalean (generoa, aniztasuna, integrazioa ...)inklusio bidea egiteko diskurtsoa eta metodoa landu eta garatzea.*

c.ii. *Garapen sozio-ekonomikoarekin uztartzea.*

c.iii. *Bizitza sozio-kulturala euskaraz izan dadin ahalbidetzea.*

4. *Ordezkatzen dudan erakundea gertu dagoela Tolosaldeko Euskararen Mahaiaren egikaritze prozesuan parte hartzeko etalankidetza eredia honetan sakontzeko, gure presentzia beharrezkoa den foro edo lan-mahaitan parte hartuz, gure esperientzia edota hizkuntzaren normalizaziora bideratutako baliabide teknikoak egitasmoaren zerbitzura jarritz, edota, hala badagokigu (Udalak, Gipuzkako Foru Aldundia, Eusko Jaurlaritzak) proiektu hau eta bere baitan adostutako ekimen zehatzak ekonomikoki sustengatuz.*

5. *Edonola ere, hartutako konpromiso hauek ez dutelamurrizketarik edo kalterik eragin behar ordezkatzen dudan erakundearen autonomian eta egitekoetan, eta konpromiso hau indartuko dela egitasmo bateratuak gauzatzen diren heinean, baliabideak optimizatzen diren heinean, eta jarduera eraginkorragoa eta errentagarriagoa den heinean”.*

Udalbatzak aho batez onartu du.

4.- 2019 MARTXOAK 8 : GREBA FEMINISTA BABESTEKO ERAKUNDE ADIERAZPENA.

Anoetako Bildu Taldeak adierazpen hau aurkeztu du:

“2019 MARTXOAK 8.Greba feminista babestek.ERAKUNDE ADIERAZPENA
Iaz, lehenengo aldiz, Euskal Herriko Mugimendu Feministak emakumeen lan etenaldi partziala deitu zuen Martxoaren 8rako, indarkeria matxistak eta emakumeak eragiten dituen desberdintasun molde ugari eragiten dituzten desorekei aurre egiteko. Emakumeok Planto – Nosotras Paramos lelopean, emakumeak zapaltzen dituen sistema kapitalista, patriarkala eta arrazista salatzen.

Euskal Herriko emakume askok bat egin zuten greba dei horrekin eta mugarriztat jo zen, borroka eta aldarrikapen feministek bisibilizazio handiagoa lortu ondoren Euskal Herrian.

Aurten, Euskal Herriko Mugimendu Feministak, eragile sindikal, politiko eta sozialekin batera, 24 orduko greba deia luzatu du. Greba bost ardatzetan antolatzen

da: zaintza, enplegua, pentsionistak, ikasleak eta kontsumoa. Greba feminista, guztion bizitzan eragiten duten esparruetan kokatzen da, soldatapeko zein doako lanetan, kontsumo ereduari, sexualitateari, arrazakerian, etab. Horregatik, grebaren bitartez, ardura kolektibotik abiatuta bizitza sostengatzeko itun sozial berri bat eskatzen dio euskal jendarteari, berdintasun erreala eta eraginkorra bermatuko duten politika publikoak burutuz. Iaz bezala, aurten ere zaintza erdigunean kokatzen da, zaintzaren berrantolaketa soziala politika publikoen zeharkako ardatza izan behar dela aldarrikatuz.

Horregatik, eta Euskal Herriko Mugimendu Feministaren motibazioa eta proposamenarekin bat egiten dugunez, Anoetako Udalak:

1. Mugimendu feministak deitutako grebara atxikitzea, eta erakundea osatzen dugun emakumezko hautetsi eta langileei greba egin ahal izateko erraztasunak ematea.
2. Herritarrei dei egitea mugimendu feministak deitutako mobilizazioetan parte hartzeko.

Anoetan, 2019ko otsailaren 25an”.

Udalbatzak aho batez onartu du.

5.- SAHARA ERREPUBLIKA ARABIAR DEMOKRATIKOAREN URTEURRENARI BURUZKO ERAKUNDE ADIERAZPENA.

Ondorengo mozio hau aurkezten da:

2019ko Otsailaren 13n.-

Saharar errepublika arabiar demokratikoa (SEAD) aldarrikatu zeneko 43. urteurrenean, Tolosaldea Sahararekin elkarteak Tolosaleako udalbatzei ondoko mozioa aurkezten dio hurrengo ohiko plenoan eztabaidatu bozkatu eta onartu dezan.

Udalbatza honek ondokoa adierazi eta eskatzen du:

1.-Mendebaldeko Saharako lurralde okupatuetan etengabe gertatzen diren manifestazio eskubidearen zanaketa, atxiloketak, torturak eta tratu txarrak, bortxaketak, desagerketak, deportazioak eta orokorrean giza eskubideen aurkako erasoak salaketa irmo eta erabateko gaitzespena adierazten du.

2.-Mendebaldeko Sahararako Erreferendumaren Nazio Batuen Erakundearen Misioa (MINURSO) giza eskubideen arloko eskuduntzak izan dezan eskatzen du, Nazio Batuen erakundeak (NBE) munduan zehar hedaturik dauzkan misioen artean giza eskubideen arloa baztertzeko duen misio bakarria izateari utzi diezaion.

3.-Sahararrei eta pertsona orori dagokigun mugimendu askatasunaren errespetua eta Mendebaldeko Saharako biztanleak zatitzen duen 2600km luze den latsaren harresia eraistea eskatzen du.

4.-Mendebaldeko Saharako baliabide naturalen lege kanpoko ustiatzeari uko egitea eta zehazki, saharar arrantza bankuetan arrantza egiteko Europar batasuneko (EB) eta Marokoko estatuaren arteko ituna etetea eskatzen du.

5.- Europar Batasuneko (EB) gainontzeko estatuarekin batera, Saharar Errepublika Arabiar Demokratikoko (SEAD) autodeterminaziorako eta independentziarako eskubidea aitortzea eta nazioarteko zuzenbidean jasotako jurisprudentzian oinarrituz, Mendebaldeko Saharako kolonizazio prozesua amaitzea eskatzen du.

6.- *Espainiar estatuko diputatuen kongresuak ebatzitakoa behingoz betetzea eta gerran aurkitzen diren estatuei, Marokokoa kasu, armak saltzea debekatzen duen ebazpena betetzea, hau da, bere legedia betetzea eskatzen du.*

7.-*Saharar Errepublika Arabiar Demokratikoa (SEAD) aldarrikatu zeneko 43. urteurrenarekin bat etorriz, 2019ko Otsailaren 27an Mendebaldeko Saharako bandera zuen udaletxean zintzilikatzea adostea.-Adeitasunez.- Tolosaldea Sahararekin Elkartea.*

Udalbatzak aho batez onartu du.

Galde-Erreguen garai baino lehen eta larrialdizko adierazpena onartuz, gai hau aztertu da:

6.- 2019 EKITALDIKO LAGUNTZAK, ERAKUNDE PUBLIKOEI ZUZENDUAK (ERAIN PUBLIKOAK) DIRULAGUNTZA ESKATZEKO UDAL PROIEKTUA GARATZEKO KONPROMISOA.

2018ko abenduaren 31ko Euskal Herriko Aldizkari Ofizialean agertua da Agindua, 2018ko abenduaren 12koa, Ekonomiaren Garapenerako eta Azpiegituretako sailburuarena, zeinaren bidez, iragartzen baitira Euskal Autonomia Erkidegoko G4,G5 eta G6 sailkatutako landa-eremuak sustatzeko eta garatzeko 2019ko ekitaldiko laguntzak ,erakunde publikoei zuzenduak.

Anoetako Udalak laguntza eskatu nahi du proiektua hau gauzatzeko: Udal Lokala egokitzea Gazteleku bihurtzeko. Aurrekontua 146.060,71€koa izanik.

Obra hori gauzatzeko 2019ko Aurrekontuan badago nahiko kreditua eta 1.0000.609.337.20.01.2019 partidari egotziko zaio.

Hori ikusita, udalbatzak aho batez, erabaki hau onartu du:

Aipaturiko proiektua garatzeko konpromezua hartzea”.

7.- GALDE ERREGUAK.

Aratz Luisa Urkola zinegotziak galdetu dio idazkariari nola dago lehen sektoreko azterketa egiteko pertsona kontratatzeko espedientea eta prisa dagoela lana hasteko.

Idazkariak erantzun du saiatuko dela ahalik eta azkarren aurrera ateratzen.

Eta beste aztergairik ezean, alkate jaunak amaitutzat eman du bilkura, arratsaldeko zazpiak eta hamarrean direnean; honetaz guztiaz, nik, idazkariak, fede ematen dut.